

本书出版得到国家古籍整理出版专项经费资助

清代吏治史料

线装书局

官員管理史料 二八

清代吏治史料

綏
裝
書
局



設政大臣署理吏部尚書事務領侍衛內大臣三等公降二級並級臣傳
爾丹等謹

題為陞選郎中等官事設臣等設得署理蘇州及蘇張坦麟等既
稱太倉州同職司緝捕又兼水利責大重實為緊要驗看程
以貴年力才具雖勝斯任應以教職改補等因前來 查雍正
五年十一月內臣部將十月分月官帶領引

見奉

旨得太倉州同之程以貴人不及令該督撫試看太倉州州同緊要
程以貴如不勝任著調事簡地方或以教職改補欽遵在案今該
署撫等既稱太倉州同程以貴年力才具雖勝斯任請以教
職改補等語應如該署撫等所請准其回籍以教職補用再
查雍正五年九月內奉

旨縣令改授教職當殫心竭力以盡職守倘因改教之故志氣墮頽諸
冗怠忽著各省督撫李政查叅從重訊處欽遵在案如程以貴改
之後不思殫心竭力以盡職守有墮頽怠忽等情令該督撫
李政查叅從重訊處其太倉州同員缺照例歸于月分銓選
可也恭候

命下謹題請

旨雍正六年八月十二日題本月十八日奉
旨依議

改大臣署理吏部尚書事務領侍衛內大臣三等公降二級入一級臣傅爾丹等謹

題為殺死姪命事該臣等因刑部咨稱原任廣東巡撫楊文乾以海豐縣咨革監生葉亮信控告陳良修殺死伊侄葉亞並一案初次遲延戰名業經咨奉今奉于雍正五年十一月二十七日咨革監生葉亮信之日扣限除去封印日期計至雍正六年四月二十五日四個月限滿所有易結不結歸善縣知縣張世錫等題奏并聲明署惠州府事廣州府同知陳鴻熙署事甫經五日情有可原署按察使事尹繼善于解到之日審屬情節互異詳報另審非易結不結等因具題前來除署惠州府事廣州府同知陳鴻熙原署按察使事今署蕪州巡撫邱務尹繼善于該撫既稱陳鴻熙署事甫經五日情有可原日繼善于解到

之日審屬互異詳報另審等語均毋庸外查定例各州縣遇
有人命案件如春後又于四個月限內不行完結復參遲延者照
易結不易例將承審各官革職等語應將易結不結之歸善
縣知縣張世錫蘇川縣知縣周之矩均照例革職恭候

命下謹題請

旨雍正五年八月十四日題本月十八日奉

旨張世錫曾被滿保參劾朕因其人尚去得所以復用為歸善縣
知縣此案著革職從寬由任効力贖罪如再不實心効力定加
倍治罪周之矩著行文詢問該撫如居官尚好亦照張世錫
革職由任如係甲平之員著給咨送部引見

改政大臣署理吏部尚書事務領侍衛內大臣三等公降二級加二級臣傳爾丹等謹

題為咨送事該臣等謹得先經刑部咨稱准提督拿送金二長等違禁造賣黃銅烟袋一案將失察之北城兵馬司副指揮吳邁取名併抄錄原疏咨送吏部查取等因臣部將失察私製黃銅器皿之北城兵馬司副指揮吳邁照銷燬制錢例改以降三級調用至掌印兵馬司指揮例有处分應行令都察院轉行該城御史查明補各等因于雍正六年七月十四日奉

旨依欽此欽遵接奉都察院轉行該城查取職名去後今准都察院咨稱北城監察御史馬躍龍等呈稱兵馬司指揮溫文桂呈稱五城一司兩坊各有專責指揮雖有掌印之名實無管轄之責今副指揮吳邁因案黃銅降調一案復蒙查取司官職名敢不凜遵

但司官惟有專管命案凡一應稽察查拿等事皆係坊官承辦
司官原無查拿之責即如前往副指揮顧煇因查銅革職亦無
干及司官失察之咎蒙取職名懇請寬免等情查取指揮溫文
桂失察黃銅職名應否免訖之處相應咨部查照等因前來查
定例打造銅四店舖如有仍將黃銅製造器皿者照銷燬製錢為
從例治罪銷燬製錢例內五城坊官不知情者一起降三級調用掌印
兵馬司不知情者一起降二級調用等語是失察打造黃銅器皿之
司坊各官定例俱分別訖處並無掌印司官免訖之條應將北城
掌印兵馬司指揮溫文桂照例降二級調用恭候

命下謹題請

旨雍正七年八月十六日題本月十八日奉

旨依訖

詔改大臣署理吏部尚書事務領侍衛內大臣三等公降二級加級臣傳爾
丹等謹

題為特參使尅額銀之驛官以肅郵政事該臣等因得巡察山西戶科
掌印給事中宋筠疏稱臣于七月初六日至徐溝縣同戈驛地方
點驗驛馬驛丞郭丙管馬十匹僅有三匹稍堪充用其餘七匹皆
瘦瘦老弱不堪驅策明係扣尅額銀私飽囊橐以致驛務廢
弛似此貪劣不戢之員誠難一日姑容謹具疏題參在現任驛
道孟孫繩太原府知府宋廷佐徐溝縣知縣甄之璜均有失察
之咎相應附參以听部議等因續擬山西巡撫查羅石麟疏稱
七月初十日批驛道孟孫繩詳稱徐溝縣同戈驛原委太原縣知
縣許登庸前往點驗七月初三日衆稱同戈驛在驛馬匹俱係
足額並無瘦瘦缺少又徐溝縣知縣甄之璜結稱並無狗隱瘦

瘦即結一併申送到道本道因支盤事繁到任將二十餘日未暇分身
要驗今巡察查驗同戈驛馬匹皆瘦瘦老弱不堪驅策具奏
則原任点驗之許登庸明係徇隱捏結臣查許登庸既經奉
委查驗自應執實驗報何得徇情隱飾似此扶同捏結之員
难以姑容相應題參各等因前來 查定例驛站馬匹驛丞
等官不用心喂養以致驛務廢弛者革職等語應將徐溝縣
同戈驛丞郭西照例革職至太原縣知縣許登庸該撫既
稱奉委查驗同戈驛馬匹徇情隱飾扶同捏結等語應將太
原縣知縣許登庸照扶同徇隱出結例革職其驛道孟孫純
太原府知府宋廷佐徐溝縣知縣甄之璜雖執該巡察均以失
察附參但查該撫疏稱該道孟孫純到任將二十餘日因支盤事
繁未暇分身曾委太原縣知縣許登庸前往查驗于本年七月初
初三日取有該縣印結在案原欲支盤事竣親臨農驗本月初六

日該巡察查驗同戈驛，馬即行揭發是該道之不即前往查驗似屬有因而該巡察疏內並未分晰至于徐溝縣知縣甄之璜額管馬四十一匹既經該巡察疏稱點驗無弊其驛丞該管之馬匹疲瘦定例由原無州縣之處分但該撫疏內又稱該道孟孫繩委同戈驛，馬之時該縣甄之璜亦曾出具印結似有扶同狗隱之處而該巡察疏內又未確查聲明且太原府知府宋廷佐果有失察之咎該撫亦應一併列奏今查該撫疏內並未聲說又與該巡察所奏不符同屬一事而奏詞互異臣部未便遽設施行令該撫會同該巡察確查畫一具題到日再設恭候

命下謹題請

旨雍正七年八月十六日題本月十八日奉

旨依議

吏部寺部政大臣署理吏部尚書事務領侍衛內大臣三等公降二級加級臣傳
爾丹奇謹

題為待奏奸蹟劣員以勵官箴以肅

功令事該臣等審看得祿光寺鄉林祖成奏劾光祿寺署正韓嘉言一案緣
韓嘉言在順天府經歷任內羅其昌適署理順天府空印務韓嘉言
即奔走逢迎餽送禮物嗣逢羅其昌為光祿寺鄉韓嘉言又適捐陞署
正值典簿潘國瑞推陞之時羅其昌即委韓嘉言署理典簿雖索取
規札教唆辱詈之處審無實執而羅其昌之徇私委署已屬顯然
至于賄囑厨役實兒探听消息之處審因宝兒畏法不敢受錢聲
揚敗露然韓嘉言之希圖賄賂舞弊業已承認不辭再查貢監考
取例取同鄉京官印結以杜假冒韓嘉言身為取官理應秉公謝
絕私情乃輒敢違例出結八十張雖執供止受銀十八兩以及土儀等

物而詰以親友何人又以全不記得混行支飾且查八十張結內現因假冒革去貢監者五十四人則該員之婪賍營私不法已甚除潘國瑞寶兒審係無干均無容訊外應將光祿寺署正韓嘉言照貪官例革職除韓嘉言受賄輕罪不訊外合依奔貢監生例不入選若買求官吏以圖遠用起送官吏知情受賄者發附近充軍律應食妻各送兵部發附近充軍至配所杖一百折責四十板其名下所得銀十八兩并土儀等物值銀九錢照追入官至羅其昌署順天府丞時不能正已率屬一任韓嘉言鑽營徃來收受禮物及在光祿寺任內又復袒護嘉言不俟同堂商酌即行委署狗在顯然查定例官員狗在劣員者降三級調用等語應將光祿寺卿今陞大理寺卿羅其昌照例于原任內降三級調用查有加一級紀錄六次應銷去加一級紀錄四次抵降二級仍降一級調用恭候

命下謹題請

旨雍正六年八月十四日題本月十八日奉

旨依訖羅其昌本係庸平之人朕因其尚老成忠厚是以加恩擢用今乃
狗庇劣員實棄材矣似此居心行事深負朕恩羅其昌著革職

署蕪州文撫臣張坦麟謹

題為縣令才不稱職等事該臣看得縣令官俱有錢谷刑名之責若非才守練達之員不能稱職查清浦縣知縣馬謙並新陽縣知縣陳昌朝原遠金匱縣令署福泉縣知縣王符震三員所斷無才征糧乏術難勝民社之任但文理稍嫻尚堪訓士請以教職改補洵屬相宜恭摺布政使趙向奎等具詳前來臣覆核無異相應具題謹會題請

旨雍正六年七月二十五日題八月十八日奉

旨該部議奏

署蕪州文撫臣張坦麟謹

題為特參貪劣不職之員等事竊照縣令一官與民最親自應

恪遵

功令方稱厥職臣荷蒙

聖恩署理蕪州文撫印務蒞任以來首在察吏安民今訪聞有署
江陰縣事南淮縣丞潘飛熊倚藉署篆恣意貪饕餐枉法
受賄借端派歛扶制部民稱貸縱容賣差滋擾似此劣員
難以姑容臣正在繕疏間擬蕪州布政使趙向奎等揭報前
來與臣訪聞無異所當特疏糾參請

旨革職究擬謹題請

旨雍正六年七月二十五日題八月十日奉

旨這所參潘飛熊著革職其貪劣各款情由及本內有名犯証

該督一併奏審究擬具奏該部知道